



ՀԱՅՈՑ ԵԿԵԼԵՑԻ

Մ Ա Յ Ր Ա Ք Ո Ռ

Ապրիլի 16-ին Մայր Տաճարում Հատկի Ճրագալույցի Ս. Պատարագ մատուցվեց:

Մայր Տաճարում Ս. Պատարագին ներկա էր Ամենայն Հայոց Վեհափառ Հայրապետ Ս. Տ. Գևորգ Զ-ը:

Պատարագում էր Ս. Սահակ ծայրագույն վարդապետ Տեր-Հովհաննիսյանը, որը, և ավուր պատշաճի քարոզ խոսեց:

Մայր Տաճարը լիքն էր աղոթողների հոծ բազմությամբ:

Ս. Պատարագի մատուցմանը մասնակցում էր Հոգևոր ճեմարանի երգեցիկ խումբը:

Ժողովրդի հոծ բազմության ներկայությամբ ապրիլի 17-ին, Տյառն Մերո Հիսուսի Քրիստոսի Հարության տոնի օրը, Մայր Տաճարում հանդիսավոր Ս. Պատարագ մատուցվեց:

Մայր Տաճարում Ս. Պատարագին ներկա էր Ամենայն Հայոց Վեհափառ Հայրապետ Ս. Տ. Գևորգ Զ-ը:

Պատարագին էր Ս. Կարապետ Ծպիսկոպոս Թումանյանը, որը և հավուր պատշաճի քարոզ խոսեց:

Ս. Պատարագի մատուցման ժամանակ Մայր Տաճարում երգում էր Հոգևոր ճեմարանի երգեցիկ խումբը:

Ապրիլի 17-ին, Ս. Պատարագից հետո, Վեհափառ Հայրապետի հաճությամբ ընդունվելով Տյառն-Հյուրասիրություն տեղի ունեցավ, որին ներկա էին Մայր Աթոռի Միաբանության անդամները, Հոգևոր ճեմարանի ուսուցչական կազմը, տեսչի գլխավորու-

թյամբ և շատ հյուրեր: Ներկաները Հատկական տոնի առթիվ իրենց շնորհավորանքները մատուցելով Վեհափառ Հայրապետին, արժանացան նորին Ս. Օծության հայրական օրհնությամբ:

Քրիստոսի Ս. Հարության տոնի առթիվ Վեհափառ Հայրապետի անունով շնորհավորական բազմաթիվ հեռագրեր են ստացվել, որոնց թվում Տանն Կիլիկիո Շնորհազարդ Կաթողիկոս Ս. Գարեգին Ա-ից, Մոսկվայի և Համայն Ռուսիո Պատրիարք Ամենապատիվ Ալեքսիից, Համայն Վրաստանի Կաթողիկոս Պատրիարք Ամենապատիվ Կալիստոսից, Երուսաղեմի Պատրիարք Ս. Կյուրեղ Բ-ից, Կ. Պոլսի Պատրիարքական Տեղապահ Ս. Գևորգ Արքեպիսկոպոս Արսլանյանից, ՍՍԽ Միության և արտասահմանյան թեմերի թեմական առաջնորդներից, թեմական խորհուրդներից և հավատացյալներից:

Տանն Կիլիկիո Շնորհազարդ Կաթողիկոս Գարեգին Ա-ը հեռագրում է.—

«Մեծ տոնի առթիվ շնորհավորություններով մաղթում ենք Ձեզ երկար կյանք ու առողջություն, Եկեղեցու և Հայրենիքի հաջողության համար»:

Երուսաղեմի Պատրիարք Ս. Կյուրեղ Բ-ը հեռագրում է.—

«Հոգևորականության և դադավահայության կողմից շնորհավորում ենք Հատկի տոնը, ցանկանալով Ձերը Վեհափառության երջանկություն ու երկար կյանք և բարգավաճում մեր Եկեղեցուն, Հայրենիքին ու սիրելի ժողովրդին»:

Կ. Պոլսի Պատրիարքական Տեղապահ Ս. Գևորգ Արքեպիսկոպոս Արսլանյանը հեռագրում է.—

«Զատիկի տոնի առթիվ ընդունեցեք մեր շնորհավորություններն և շերտ մաղթանքները»:

Հունահայ թեմի Առաջնորդ Տ. Կարապետ Արքեպիսկոպոս Մաղլումյանը հեռագրում է.—

«Սուրբ Զատիկի տոնին առթիվ պատիվ ունիմ հանձին գաղութիս որդիական շնորհավորանքներ ուղղելով Ձերդ Վեհափառությանը մաղթել երկար կյանք և բարեհաջող գործունեություն»:

Հարավային Ամերիկահայոց Կաթոլիկոսական Պատվիրակ Տ. Գարեգին Արքեպիսկոպոս Խաչատրյանը հեռագրում է.—

«Ընդունեցեք Հարավային Ամերիկայի Ձեր դավակաց և մեր Զատիկական շնորհավորանքները, մաղթանքները, որդիական սերնու հավատարմությունը հանդեպ Ձեր և Մայր Աթոռ Սրբոյ էջմիածնի»:

Եվրոպահայ թեմի Կաթոլիկոսական Պատվիրակ Տ. Արտավազդ Արքեպիսկոպոս Սյուրմեյանը հեռագրում է.—

«Շնորհավորում ենք Զատիկի տոնը».

Եգիպտահայ թեմի Առաջնորդ Տ. Մամբրե Արքեպիսկոպոս Սիրունյանը հեռագրում է.—

«Զատիկի տոնի առթիվ եգիպտոսի հայերի անունից շնորհավորելով մաղթում ենք Ձերդ Վեհափառությանը՝ երկար կյանք, մեր Հայրենիքին՝ բարգավաճում և մեր ժողովրդին՝ երջանկություն»:

Վրաստանի Հայոց թեմի Առաջնորդ Տ. Կարապետ Եպիսկոպոս Թումանյանը հեռագրում է.—

«Զատիկի մեծ տոնի առթիվ մեր շնորհավորանքներն ենք հղում Ձերդ Վեհափառությանը և ցանկանում Ձեզ երկար կյանք և առողջություն ի փառս Հայ Եկեղեցու և Հայ Հայրենիքի»:

Ադրբեջանի և Թուրքեստանի Հայոց թեմի Առաջնորդ Տ. Սուրեն Եպիսկոպոս Թուրսյանը հեռագրում է.—

«Հոգևորականությունը, եկեղեցական խորհուրդները և հավատացյալները իրենց շնորհավորանքներն են հղում Ձեզ՝ Ս. Զատիկի տոնի առթիվ, մաղթելով Ձերդ Վեհափառությանը երկար կյանք ու առողջություն ի փառս Հայ Եկեղեցու և մեր Մեծ սովետական Հայրենիքի»:

Ամերիկահայոց թեմի Առաջնորդ Տ. Տիրան Եպիսկոպոս Ներսոյանը հեռագրում է.—

«Տյառն Մերո Փրկչի հրաշափառ Հարության տոնին առթիվ ներկայացնում եմ ժողովրդյան, հոգևորական դասուն և իմ որ-

դիական շնորհավորությունները, մաղթելով Ձերդ Ս. Օծոթյան երկար կյանք: Աստված անսասան պահե եկեղեցին, Ազգը և Հայրենիքը»:

Իրանա-Հնդկաստանի թեմի Առաջնորդ Տ. Վահան Եպիսկոպոս Կոստանյանը հեռագրում է.—

«Իրանա-Հնդկաստանի հայության անունից շերտագին շնորհավորանքներ ենք հղում աշխարհի Փրկչի Ս. Հարության տոնի առթիվ: Աղոթում ենք Ձերդ Սրբությանը արևշատության համար»:

Բահրանի թեմի Առաջնորդ Տ. Ռուբեն Եպիսկոպոս Դրամբյանը հեռագրում է.—

«Շնորհավորում եմ Ս. Հարության հրաշափառ տոնը: Համբուրում եմ Ձեր Սուրբ Աջը, ցանկանալով արևշատություն և ամեն բարիք ի փառս Հայ Եկեղեցու»:

Բուլղարահայ թեմի Առաջնորդ Տ. Գրիգորիս Եպիսկոպոս Կարապետյանը հեռագրում է.—

«Որդիական խանդավառությամբ մատուցում եմ շնորհավորանքներս Զատիկի տոնի առթիվ, Ձերդ Վեհափառության թանկագին կենաց արևշատություն և պաշտելի Սովետական Հայաստանին բարգավաճում մաղթելով սրտագին»:

Կալիֆորնիո Հայոց թեմի Առաջնորդական Տեղապահ Տ. Վարդան Եպիսկոպոս Գասպարյանը հեռագրում է.—

«Համբուրելով Ձեր Սուրբ Աջը կշնորհավորենք Զատիկի տոնը»:

Ռումանահայ թեմի Առաջնորդ Վազգեն Ժալրազուլյն վարդապետ Պալճյանը հեռագրում է.—


«Սուրբ Հարության հրաշափառ տոնին առթիվ ընդունեցեք թեմիս և իմ շերտագին մաղթանքները. Ձերդ Վեհափառությանը արևշատություն և մեր ժողովրդին ու Սովետական Հայրենիքին երջանկություն ենք ցանկանում»:

Շիրակի թեմի փոխթեմակալ Գարեգին Ժալրազուլյն վարդապետ Հակոբյանը հեռագրում է.—

«Քրիստոսի Ս. Հարության տոնի առթիվ մեր շնորհավորանքներն ենք հղում, Ձերդ Վեհափառությանը ցանկանալով երկար կյանք և առողջություն: Համբուրում եմ Ձերդ Սրբազնության Սուրբ Աջը»:

Ատրպատականի թեմի Առաջնորդական Տեղապահ Տ. Կարապետ ավագ քահանա Մանուկյանը հեռագրում է.—

«Թեմական ժողովը, Թեմական խորհուրդը, քահանայացի դասը և ժողովուրդը խո-



նարհովթյամբ համբուրելով Ձեր Սուրբ Աջը, շնորհավորում են Ս. Հարություն տոնը, ցանկանալով Ձեզ երկար կյանք և հարստություն Մայր Աթոռին:

Քրիստոսի Ս. Հարության տոնի առթիվ Վեհափառ Հայրապետը հաճեց շնորհավորական հեռագրեր հղել Տառն Կիլիկիո Շնորհազարդ Կաթողիկոս Ս. Գարեգին Ա.-ին, Մուկվայի և Համայն Ռուսիո Պատրիարք Ամենապատիվ Ալեքսիին, Համայն Վրաստանի Կաթողիկոս-Պատրիարք Ամենապատիվ Կալիստոսին, Նրուսաղեմի Պատրիարք Ս. Կյուրեղ Բ.-ին, Կ. Պոլսի Պատրիարքական Տեղապահ Ս. Գևորգ Արքեպիսկոպոս Արսլանյանին և թեմական Առաջնորդներին ու թեմական խորհուրդներին:

Վեհափառ Հայրապետի հանձնարարությամբ Ս. Սահակ ծայրագույն վարդապետը, մասնակցությամբ Մայր Տաճարի դասապետներ Ս. Ս. Նիկողայոս և Խորեն ավագ քահանաների և Նրևանի եկեղեցիների քահանաների, մարտի 26-ին Հսկման և հետևյալ օրը, մարտի 27-ին, Ս. Օծման հանդեսը կատարեցին Նրևանի նորաբաց Ս. Զորավար եկեղեցու:

Թե եկեղեցին և թե եկեղեցու բակը լեւի լեցուն էր աղոթավորների բազմությամբ:

Ապրիլի 2-ին, Ս. Գրիգոր Լուսավորչի տոնի օրը, Լենինական քաղաքի Ս. Աստվածածին եկեղեցում Գերաշնորհ Ս. Կարապետ Նախկոպոս Թումանյանը, մասնակցությամբ Ս. Սահակ ծայրագույն վարդապետ Տեղ-Հովհաննիսյանի և Ս. Նիկողայոս ավագ քահանա Բավեյանի, ծայրագունության աստիճան շնորհեց Շիրակի թեմի Առաջնորդական Փոխանորդ Ս. Գարեգին վարդապետ Հակոբյանին:

Ս. Սահակ ծայրագույն վարդապետը Ս. Էջմիածնից բերել էր Նորին Վեհափառություն Ս. Ս. Գևորգ Զ. Կաթողիկոսի սրբատառ Կոնդակը, Ս. Գարեգին ծայրագույն վարդապետին ակնանակու վարդապետական լանջախաշով պարգևատրելու մասին:

Սրբատառ Կոնդակը հանդիսավոր կերպով, խնկարկովթյամբ ու շարականների երգեցողությամբ, խորանից դուրս բերելով

Ս. Սահակ ծայրագույն վարդապետը ընթերցեց հավատացյալների հոծ բազմության առջև: Այնուհետև Ս. Սահակ ծայրագույն վարդապետը շնորհավորական խոսք ասելուց հետո խաչը մատուցարանի վրա դրած ներկայացրեց Գեր. Ս. Կարապետ Նախկոպոսին: Սրբազանը իր ձեռքով լանջախաչը Ս. Գարեգին ծայրագույն վարդապետի լանջին կախելով շնորհավորական խոսք ուղղեց նրան:

Ապրիլի 2-ին, Լենինական քաղաքի Ս. Աստվածածին եկեղեցում Գերաշնորհ Ս. Կարապետ Նախկոպոս Թումանյանը, մասնակցությամբ Ս. Սահակ ծայրագույն վարդապետ Տեղ-Հովհաննիսյանի և Ս. Նիկողայոս ավագ քահանա Բավեյանի, տեղվույն եկեղեցու սարգավագ Նորայր Սարգսյանին քահանա ձեռնադրեց:

Ապրիլի 14-ին, Ավագ Հինգշաբթի օրը, Հոգևոր ճեմարանի սաները Մայր Տաճարում ս. հաղորդություն ստացան:

Զատկական արձակուրդներին Հոգևոր ճեմարանի սաները, ուսուցիչների ղեկավարությամբ, էքսկուրսիա կատարեցին դեպի Զվարթնոց և տեղում ծանոթացան հնագույն այդ հույակապ հուշարձանի մնացորդներին հետ:

Հայ մեծ բանաստեղծ Հովհաննես Թումանյանի մահվան 26-րդ տարեդարձի առթիվ, մարտի 23-ին Հոգևոր ճեմարանի դահլիճում կայացավ գրական-գեղարվեստական մեծ երեկո:

Երեկոյին մասնակցում էին Հոգևոր ճեմարանի դասախոսները, սաները, Ս. Էջմիածնի Միաբանության անդամները, Մայր Աթոռի աշխատակիցները:

Հոգևոր ճեմարանի վարչության հրավերով երեկոյին ներկա էին Հայկական ՍՍՌ Մի-նիստրների Սովետին կից Հայ եկեղեցու գործերի խորհրդի նախագահ Զր. Գրիգորյանը և նրա տեղակալ Զ. Գրիգորյանը:

Դահլիճում դրված էր մեծ բանաստեղծի մեծագիր նկարը, գեղեցիկ շրջանակի մեջ առնված, այդ նկարը շնորհալի կերպով նը-

կարել էր ճեմարանի Բ դասարանի սան վարդան Արզանյանը:

Երեկոն բացվեց Հոգևոր ճեմարանի տեսուչ Մ. Մինասյանի ներածական խոսքով:

«Հովհաննես Թումանյանի պոեզիան» թեմայով զեկուցում կարդաց Հայ գրականության առարկայի Հոգևոր ճեմարանի դասախոս, ֆիլոլոգիական գիտությունների թեկնածու Ա. Պողոսյանը: Զեկուցումը լավեց լարված ուշադրությամբ:

Հարակից զեկուցումներով հանդես եկան Հոգևոր ճեմարանի Ա լսարանի սաներ Քաջիկ Գևորգյանը և Գուրգեն Մուրադյանը: Նրանց շնորհալի, ճոխ լեզվով ու բովանդակալից զեկուցումները արժանացան ունկրդիրների ջերմ համալսությանը:

Մեծ բանաստեղծի մասին իրենց հուշերը պատմեցին Տ. Սահակ ծայրագույն վարդապետ Տեր-Հովհաննիսյանը, Գերագույն Հոգևոր Խորհրդի և Վեհափառ Հայրապետի անձնական քարտուղար Հ. Ազուլյանը և ճեմարանի տեսուչ Մ. Մինասյանը:

Երեկոյի զեղարվեստական բաժնում Հ.

Թումանյանի լավագույն ստեղծագործությունների արտասանությամբ հանդես եկան Հոգևոր ճեմարանի սաներ Ա. Աղամյանը, Բ. Քոչարյանը, Գ. Գրիգորյանը և ուրիշներ:

Այնուհետև կատարվեցին մեներգներ ու խմբական երգեր հայ կոմպոզիտորների ըստ ստեղծագործություններից, ձայնագրված Հ. Թումանյանի տեքստերի հիման վրա:

Հոգևոր ճեմարանի երաժշտության դասախոս, կոմպոզիտոր Դ. Ղազարյանի ղեկավարությամբ ցուցադրվեց հայ ահանավոր կոմպոզիտոր Արմեն Տիգրանյանի «Անուշ» օպերայի 2-րդ գործողությունը: «Անուշ» օպերայի 2-րդ գործողության բեմագրումը, ճեմարանի սաների ուժերով, կարևոր նվաճում է հանդիսանում սաների զեղարվեստական դաստիարակության տեսակետից:

Երեկոյի վերջում ելույթ ունեցավ ճեմարանի լսարանին նվագախումբը, որը կատարեց հայկական ու ռուսական մի շարք եղանակներ:

